

REGLUGERÐ

um stærð og þyngd ökutækja nr 155/2007.

Sbr. rg. 1187/2008, gildist. 16.12.08, rg. 991/2009, gildist. 01.01.2010, rg. 696/2010, gildist. 09.09.2010, rg. 1263/2011, gildist. 01.01.2012, rg. 193/2013, gildist. 27.02.2013, rg. 1199/2013, gildist. 30.12.2013, rg. 339/2015, gildist. 13.04.2015, rg. 159/2017, gildist. 27.02.2017, rg. 1056/2017, gildist. 30.02.2017 og rg. 1073/2017, gildist. 08.12.2017.

I. KAFLI

Almennt.

1. gr.

Markmið og gildissvið.

Markmið með reglugerð þessari er að setja reglur um hámark leyfilegrar stærðar og þyngdar ökutækis með tilliti til umferðaröryggis og álags á umferðarmannvirki.

Reglugerð þessi gildir um bifreiðar, eftirvagna, tengitæki og, eftir því sem við á, dráttarvélar og vinnuvélar sem ætluð eru til notkunar á vegum.

2. gr.

Skýringar.

Vagnlest: Vélknúið ökutæki sem eftirvagn eða tengitæki er tengt við.

Eftirvagn: Ökutæki sem hannað er til að vera dregið af öðru ökutæki og aðallega er ætlað til fólks- eða vöruflutninga. Undir skilgreininguna eftirvagn falla:

Tengivagn: Eftirvagn á tveimur ásum eða fleiri sem tengdur er við dráttartæki án þess að lóðréttir kraftar geti flust á milli ökutækjanna.

Festivagn: Eftirvagn á einum ási eða fleiri sem tengdur er við dráttartæki þannig að hluti af þyngd eftirvagnsins hvílir á því.

Hengivagn: Eftirvagn á einum eða tveimur ásum sem tengdur er við dráttartæki þannig að lóðréttir kraftar færast á milli ökutækjanna.

Liðvagn: [Hópbifreið sem sett er saman úr tveimur ósveigjanlegum hlutum, tengdum saman með liðamótum, sem innangengt er á milli. Einungis skal vera unnt að tengja eða frátengja hlutana tvo á verkstæði.]¹

[Jafnhitaöketaki]: Ökutæki með fastri eða færnanlegri yfirbyggingu sem sérstaklega er búin til að flytja vörur við stillanlegt hitastig og hefur a.m.k. 45 mm þykka hliðarveggi að einangrun meðtalinni.

Tengitæki: Ökutæki sem hannað er til að vera dregið af öðru ökutæki og er ekki eftirvagn. Ennfremur hjólhýsi, fellihýsi og tjaldvagn.

Háþekjugámur: Gámur allt að 2,9 m að hæð.

Áspungi: Pungi ökutækis sem hvílir á hjólum á einum ási eða ásasamstæðu.

Heildarþyngd ökutækis: Þyngd ökutækis eða vagnlestар með ökumanni, farþegum, farmi og viðfestum vinnutækjum.

[Óskiptanlegur farmur]: Farmur sem er ekki unnt að skipta í two eða fleiri hluta til að flytja hann á vegum án ótilhlýðilegs kostnaðar eða hættu á skemmdum og sem af ástæðum sem varða stærð hans og þyngd er ekki unnt að flytja með ökutæki eða vagnlest án undanþágu samkvæmt 13. gr. reglugerðar þessarar.]³

Mál sem tilgreind eru um lengd, breidd og hæð ökutækja eiga einnig við lausar yfirbyggingar og staðlaðar farmeiningar, t.d. gáma, svo og um farm ökutækis.

II. KAFLI

Stærð og þyngd ökutækis.

3. gr.

Skyldur ökumanns.

Ökumaður ökutækis, sem reglugerð þessi gildir um, skal sýna sérstaka varúð í umferðinni með tilliti til stærðar og þunga ökutækis/vagnlestar og skal víkja greiðlega fyrir öðrum ökutækjum og nema staðar ef þörf krefur.

¹ Rg. 339/2015, 1. gr. a.

² Rg. 339/2015, 1. gr. b.

³ Rg. 339/2015, 1. gr. c.

Ökumaður skal gæta þess sérstaklega, með tilliti til hæðar ökutækis, að valda ekki hættu eða óþægindum við akstur undir brú, í göngum, undir rafmagns- eða símalínu eða við svipaðar aðstæður.

4. gr.

Merking vagnlestar.

Aftan á vagnlest, sem er lengri en 18,75 m skal vera merki um hámarkshraða slíks ökutækis og skilti með gulum fleti og rauðum jaðri, með áletruninni „LANGT ÖKUTÆKI“, sbr. viðauka III. Óheimilt er að hafa skiltið aftan á vagnlest sem er 16,50 m eða styttri.

5. gr.

Lengd ökutækis.

Leyfileg lengd ökutækis er eftirfarandi:

- a. hópbifreið með fleiri en two ása, 15,00 m,
- b. hópbifreið með two ása, 13,50 m,
- c. hópbifreið sem er liðvagn, 18,75 m,
- d. bifreið, önnur en hópbifreið, 12,00 m,
- e. [eftirvagn, 12,00 m.]⁴
- f. vagnlest, hópbifreið með eftirvagn eða tengitæki, 18,75 m,
- g. vagnlest, bifreið, önnur en hópbifreið, með festi- eða hengivagni eða samsvarandi tengitæki, 18,75 m,
- h. vagnlest, bifreið önnur en hópbifreið, með tengivagni eða samsvarandi tengitæki, 22,00 m.

Lengd ökutækis skal mæld milli þeirra hluta sem standa lengst fram og lengst aftur. Þó skal mæla lengd eftirvagns frá hugsaðri lóðrétti línu í gegnum miðju tengihluta hans að aftasta hluta eftirvagnsins. Lárétt fjarlægð frá hugsaðri lóðrétti línu í gegnum miðju tengipinna að hvaða hluta sem er fremst á festivagninum má mest vera 2,04 m.

Bifreið, svo og vagnlest, skal vera hægt að aka innan snúningsboga með 12,50 m radíus í ytri hring og 5,30 m radíus í innri hring, sbr. V. viðauka. Ákvæði þetta telst vera uppfyllt fyrir vagnlest með festivagni ef fjarlægð frá tengipinna vagnsins til miðju fræðilegs afturáss er ekki meiri en 9,20 m.

Prátt fyrir ákvæði h-liðar 1. mgr. er heimilt að hafa vagnlest bifreiðar með tengivagni þannig að lengdin megi vera allt að 25,25 m í samræmi við eftirfarandi skilyrði:

- a. Lengd farmrýmis tengivagns má ekki vera meiri en 13,60 m.
- b. Bifreið og tengivagn skulu búin hemlum með læsivörn.

Heimild skv. 4. mgr. er bundin við þá vegi og þann tíma sem greinir í IV. viðauka. Um aðra vegi og tíma gilda ákvæði 13. gr. um undanþágu vegna sérstakra flutninga.

[Ökutæki, sem um getur í d-, e- og g-lið 1. mgr., mega vera útbúin vindskeiðum sem bæta orkunýtni þess. Vindskeið mega þó ekki standa lengra aftur úr ökutæki en 500 mm nema að gerðarviðurkenning hafi farið fram.

Ef farið er yfir tiltekna hámarkslengd skal það ekki hafa í för með sér meiri hleðslulengd þessara ökutækja.

Við aðstæður þar sem öryggi vegfarenda er í hættu skal ökumaðurinn fella búnaðinn saman, draga hann inn eða fjarlægja hann. Ef búnaðurinn er felldur inn/felldur saman skal hann ekki fara yfir leyfilega hámarkslengd um meira en 200 mm. Taka skal sérstakt tillit til aðstæðna við notkun búnaðarins á þéttbýllissvæðum þar sem hámarkshraði er 50 km/klst. eða lægri.]⁵

6. gr.

Mæling lengdar.

Fjarlægð, mæld samhliða lengdarási vagnlestar sem er bifreið með tengivagni, frá fremsta hluta farmrýmis aftan við stýrishús að aftasta hluta tengivagnsins, að frádrégninni fjarlægðinni milli afturenda dráttartækisins og framenda vagnsins, má mest vera 18,90 m.

Fjarlægð, mæld samhliða lengdarási vagnlestar með tengivagni frá fremsta hluta farmrýmis aftan við stýrishús að aftasta hluta tengivagnsins, má mest vera 19,65 m.

Fjarlægð milli aftasta áss bifreiðar og fremsta áss tengivagns má ekki vera minni en 3,00 m.

⁴ Rg. 339/2015, 2. gr.

⁵ Rg. 1056/2017, 1. gr.

7. gr.

Breidd ökutækis.

[Leyfileg breidd bifreiðar og eftirvagns er 2,55 m með þeiri undantekningu að yfirbygging jafnhitaökutækis má vera 2,60 m.

Leyfileg breidd vinnuvélar, eftirvagns hennar eða tengitækis til landbúnaðarstarfa eða vegavinnu er 3,30 m. Lögreglan getur bannað akstur slíkra ökutækja þegar sérstaklega stendur á.

Leyfileg breidd ökutækis með áfestan búnað til snjómoksturs er 3,50 m.

Þrátt fyrir ákvæði 3. mgr. er ökutæki með áfestan búnað til snjómoksturs heimilt að fara umfram leyfilega breidd þegar nauðsyn krefur vegna snjómoksturs utan þéttbýlis og innan þéttbýlis á stofnbrautum að næturlagi þegar umferð er í lágmarki. Óheimilt er þó að nýta heimild þessa til að stunda snjómokstur á einu ökutækki á tveimur heilum akreinum samtímis, hvort sem þær eru í sömu akstursstefnu eða gagnstæða.

Breidd ökutækis skal mæld milli þeirra hluta þess sem standa lengst til hliðar. Speglar eða ljósker, önnur en aðal-, vinnu- og hliðarljósker, svo og keðjur á hjólum, eru ekki talin til breiddar ökutækis. Sama gildir um festingar fyrir yfirbreiðslu og vörn þeirra.]⁶

8. gr.

Breidd eftirvagns.

Breidd eftirvagns eða tengitækis, sem bifreið dregur, má ekki vera meiri en sem nemur 30 cm út fyrir hvora hlið bifreiðar.

9. gr.

Hæð ökutækis.

Leyfileg hæð ökutækis er 4,20 m sem skal mæld hornrétt frá yfirborði vegar að þeim hluta þess sem hæst stendur.

10. gr.

Heildarþyngd og áspungi.

Í I. viðauka reglugerðarinnar er kveðið á um leyfilega heildarþyngd og áspunga ökutækis. Ákvæði II. viðauka gilda um slíkt hámark á vegum sem ekki þola þá þyngd sem tilgreind er í I. viðauka. Veghaldari getur gefið út skrá yfir vegi sem falla undir ákvæði I. og II. viðauka en ella gilda ákvæði I. viðauka.

Áspungi drifáss eða drifása bifreiðar má ekki vera innan við 25% af heildarþyngd bifreiðar eða vagnlesttar.

Leyfileg heildarþyngd og áspungi ökutækis miðast við að loftþrýstingur í hjólbörðum sé ekki meiri en 8 bör eða 116 psi, mælt í köldum hjólbarða. Þó má loftþrýstingur vera 9 bör í negldum snjóhjólbörðum.

Leyfileg heildarþyngd bifreiðar með fimm eða sex ásum er 32 tonn og gilda þá ákvæði liðar [1.3.4]⁷ í I. viðauka.

Leyfileg heildarþyngd bifreiðar á beltum er 12 tonn.

Ökutæki má þó ekki hlaða þannig að heildarþyngd þess eða áspungi verði meiri en heimilað er í skráningarskírteini þess.

[Ökutæki, sem eru knúin óhefðbundnu eldsneyti, skulu samrýmast leyfilega hámarksáspunganum sem settur er fram í I. viðauka.

Viðbótarþyngdin, sem ökutæki sem eru knúin óhefðbundnu eldsneyti þurfa, skal skilgreind á grundvelli vottorða, sem framleiðandi leggur fram, þegar ökutækið sem um er að ræða er viðurkennt.]⁸

⁶ Rg. 339/2015, 3. gr.

⁷ Rg. 159/2017, 1. gr.

⁸ Rg. 1056/2017, 2. gr.

III. KAFLI

Frávik frá stærð og þyngd ökutækis.

11. gr.

Tímabundnar takmarkanir.

Veghaldari getur takmarkað tímabundið leyfilega heildarþyngd og leyfilegan ásþunga ökutækja skv. 10. gr., miðað við burðarpol brúar eða vegar, svo sem þegar frost fer úr vegini. [Takmörkun getur náð eingöngu til leyfilegs ásþunga, leyfilegrar heildarþyngdar eða hvort tveggja, leyfilegs ásþunga og heildarþyngdar.]⁹

Þegar þungatakmarkanir eru í gildi skal heildarþyngd og ásþungi vera í samræmi við VI. viðauka.

12. gr.

Frávik frá leyfilegri heildarþyngd ökutækis.

[Samgöngustofu]¹⁰ er heimilt að veita undanþágu frá reglum um heildarþyngd ökutækja skv. 10. grein á einstökum vegum eða vegarköflum skv. I. viðauka og leyft allt að:

- a. 44 tonna heildarþunga vagnlestar sem er að lágmarki 5 ása enda séu eftirfarandi skilyrði uppfyllt:
 1. hver ás, nema framás bifreiðar, sé á tvöföldum hjólum og með loftfjöldum eða öðrum búnaði sem telst jafngildur,
 2. lágmarks hjólbardastærð skal vera 275/70R22,5,
 3. bifreið sé með drifi á a.m.k. tveimur sívirkum driftásum,
 4. þungi á framási sé 7 tonn að hámarki en á öðrum ásum ekki meiri en 10 tonn [...]¹¹
 - [5. lágmarksfjarlægð milli ása vagnlestar sé í samræmi við viðauka við reglugerð þessa og fylgiskjal hans]¹²
- b. 49 tonn fyrir vagnlest sem er að lágmarki 6 ása, enda séu uppfyllt:
 1. sömu skilyrði og tilgreind eru í a-lið, og
 2. a.m.k. 13,5 m séu milli fremsta og aftasta áss vagnlestar og a.m.k. 6 m frá aftasta ási ökutækis að fremsta ási festivags.

Veghaldari getur takmarkað heimild skv. 1. mgr. við ástand vega hverju sinni og gerð ökutækis í samræmi við 11. gr.

Ítrekuð brot á skilyrðum heimildar skv. þessari grein getur varðað banni við beitingu heimildar samkvæmt greininni. [Samgöngustofa]¹³ tekur ákvörðun um beitingu banns og tilkynnir um það til lögreglu.

[Ökutæki, sem notað er við snjómokstur og/eða hálkuvörn og er með áfestum búnaði í því skyni, er þó undanþegið ákvæðum um ás- og heildarþunga þegar það er notað við snjómokstur og hálkuvörn og við akstur sem því tengist þegar ekki eru í gildi þungatakmarkanir.

Undanþága skv. 4. mgr. er bundin þeim skilyrðum að þungi fari ekki yfir leyfðan ás- og heildarþunga ökutækis samkvæmt skráningu í ökutækjaskrá.

Undanþága skv. 4. mgr. gildir ekki þegar ökutæki er notað í öðrum tilgangi en snjómokstri og hálkuvörn, s.s. til almennra farmflutninga.

Undanþága skv. 4. mgr. fellur úr gildi þegar ás- og heildarþungi ökutækja á vegum er takmarkaður skv. 11. gr. reglugerðarinnar, sbr. viðauka VI.]¹⁴

⁹ Rg. 696/2010, 1. gr.

¹⁰ Rg. 1199/2013, 1. gr. a.

¹¹ Rg. 1263/2011, 1. gr.

¹² Rg. 1199/2013, 1. gr. b.

¹³ Rg. 1199/2013, 1. gr. c.

¹⁴ Rg. 339/2015, 4. gr.

13. gr.
Sérstakur flutningur.

[Sækja má um undanþágu frá reglum um lengd, breidd, hæð, heildarþyngd og ásþunga ökutækis til Samgöngustofu sem aflar samþykkis Vegagerðar og lögreglustjóra eins og við á í samræmi við verklagsreglur þar um. Þetta á við þegar nauðsyn þykir bera til, vegna óskiptanlegra eða sérstakra flutninga sem ekki geta með góðu móti farið fram með öðrum hætti. Þetta á einnig við varðandi undanþágu frá lengd, breidd og hæð á skiptanlegum farmi ef augljós hagkvæmnirök mæla með slíkum flutningum, sem og flutning á farþegum í sérstökum tilvikum á styttri leiðum þegar nauðsyn krefur, m.a. til að tryggja öryggi farþega, enda sé umferðaröryggi ekki skert eða aukin hætta á skemmdum á vegamannvirkjum. [Samgöngustofa getur sett nánari skilyrði fyrir leyfi og getur bundið undanþágu við til dæmis veðurfar, ástand vega og mannvirkja hverju sinni og gerð ökutækis.]¹⁵

Við veitingu undanþágu skv. 1. mgr. skal Samgöngustofa hafa samráð við veghaldara eftir því sem við á. Þegar undanþága varðar flutning um tvö eða fleiri lögregluumdæmi sér Samgöngustofa um að kynna flutninginn fyrir viðkomandi lögregluembættum eftir því sem við á.

Undanþágu skv. 1. mgr. má veita fyrir einn flutning eða í tiltekinn tíma, allt að einu ári enda sé gætt ákvæða 14. gr. [...]¹⁶

Leyfið skal vera skriflegt og haft meðferðis meðan á flutningi stendur.

Brot á skilyrðum undanþágu samkvæmt þessari grein getur varðað afturköllun undanþágu. Synja má um undanþágu hafi umsækjandi ítrekað gerst sekur um slíkt brot.]¹⁷

IV. KAFLI
Lögreglufylgd og eftirlit.

14. gr.

Lögreglufylgd vegna flutninga.

Þegar um flutning skv. 13. gr. er að ræða metur lögregla þörf á aðstoð hverju sinni með tilliti til umfangs og hættu við flutning, nauðsyn á stjórnun annarrar umferðar og annarra kringumstæðna í samræmi við reglur sem hún setur þar um. Lögregla getur í stað fylgdar mælt fyrir um sérstaka merkingu þ.m.t. um ljósabúnað.

Flytjandi skal óska eftir fylgd til [Samgöngustofu]¹⁸ eða lögreglu um leið og sótt er um undanþágu skv. 13. gr.

Sá sem fær undanþágu til flutninga skv. 13. gr. skal greiða fyrir kostnað vegna lögreglufylgdar sem að mati lögreglustjóra er þörf á við flutninginn.

Lögreglustjóri getur krafist þess að kostnaður þessi verði greiddur fyrirfram eða að sett verði trygging sem hann metur gilda fyrir greiðslu hans.

15. gr.
Eftirlit.

[Samgöngustofa]¹⁹ annast auk lögreglu eftirlit með stærð og þyngd ökutækja.

Sérstökum eftirlitsmónnum [Samgöngustofu]²⁰ er heimilt að stöðva ökutæki til þess að vigta þau og gera aðrar athuganir sem nauðsynlegar kunna að vera vegna eftirlits á stærð og þyngd ökutækja.

Reynist heildarþyngd eða ásþungi ökutækis meiri en heimilt er, ber ökumanni að fara eftir fyrirmælum eftirlitsmanns um að léttu ökutækið eða gera aðrar ráðstafanir um áframhaldandi akstur ökutækis, krefjist eftirlitsmaður þess.

¹⁵ Rg. 1073/2017, 1. gr. a.

¹⁶ Rg. 1073/2017, 1. gr. b.

¹⁷ Rg. 159/2017, 2. gr.

¹⁸ Rg. 1199/2013, 3. gr.

¹⁹ Rg. 1199/2013, 4. gr.

²⁰ Rg. 1199/2013, 4. gr.

V. KAFLI
Málsmeðferð o.fl.

16. gr.

Málsmeðferð.

Um málsmeðferð vegna synjunar banns eða synjunar á undanþágu skv. 12. og 13. gr. reglugerðarinnar gilda ákvæði stjórnsýslulaga nr. 37/1993. Kæra frestar ekki réttaráhrifum ákvörðunar.

17. gr.

Refsiákvæði.

Brot á reglugerð þessari varða refsingu í samræmi við XIV. kafla umferðarlaga nr. 50/1987 og reglugerð um sektir og önnur viðurlög vegna brota á umferðarlögum og reglum settum samkvæmt þeim, svo og reglugerð um ökuferilsskrá og punktakerfi vegna umferðarlagabrota.

18. gr.

Innleiðing.

Með reglugerð þessari hefur verið innleidd tilskipun ráðsins nr. 96/53/EB um að ákveða leyfileg hámarks mál vegna umferðar innan aðildarríkja og milli landa og leyfilega hámarksþyngd vegna umferðar milli landa fyrir tiltekin ökutæki sem eru í notkun í bandalaginu og tilskipun Evrópuþingsins og ráðsins nr. 2002/7/EB sem breytir henni.

19. gr.

Viðaukar.

Eftirtaldir viðaukar, nr. I-VI fylgja reglugerðinni og eru hluti hennar:

- I. Leyfileg heildarþyngd og áspungi á vegum.
- II. Leyfileg heildarþyngd og áspungi á vegum sem ekki falla undir viðauka I.
- III. Merki fyrir langt ökutæki.
- IV. Undanþágur fyrir vagnlestir samkvæmt 4. og 5. mgr. 5. gr.
- V. Samanburður á áspunga í viðauka I og II.
- VI. 11. gr. viðauki.

20. gr.

Gildistaka.

Reglugerð þessi er sett skv. 68., 75. og 76. gr. umferðarlaga, nr. 50/1987 og tekur gildi 1. mars 2007. Frá sama degi fellur úr gildi reglugerð um stærð og þyngd ökutækja nr. 688/2005, með síðari breytingum.

Ákvæði til bráðabirgða.

Þrátt fyrir ákvæði 9. gr. er heimilt til [1. janúar [2016]²¹]²² að nota háþekjugáma við flutninga á vegum þannig að heildarhæð vagns og gáms nemi allt að 4,40 m hæð. Ökumaður og flytjandi bera ábyrgð á að flutningurinn fari um leiðir þar sem mannvirki leyfa þá hæð.

Samgönguráðuneytinu, 27. febrúar 2007.

Sturla Böðvarsson.

Ragnhildur Hjaltadóttir.

²¹ Rg. 1199/2013, 5. gr.

²² Rg. 1263/2011, 2. gr.

[VIÐAUKI I
Leyfileg heildarþyngd og ásþungi á vegum.

Leyfileg heildarþyngd:

| | Tonn | Lýsing ökutækis |
|------------------------------------|------|---|
| 1.1 | | Ökutæki sem er hluti vagnlestar: |
| 1.1.1 | 18 | Tvíðasa tengivagn |
| 1.1.2 | 24 | Þríðasa tengivagn |
| 1.2 | 44 | Heildarþungi samtengdra ökutækja |
| 1.2.1 | | Fimm- eða sexása vagnlest sem er bifreið og tengivagn: |
| 1.2.1.1 | 40 | Tvíðasa bifreið með þríðasa tengivagni |
| 1.2.1.2 | 40 | Þríðasa bifreið með tvíðasa tengivagni |
| 1.2.1.3 | 40 | Þríðasa bifreið með þríðasa tengivagni |
| 1.2.1.4 | 44 | Þríðasa bifreið með þríðasa tengivagni sé drifás með tvöföldum hjólum og loftfjöldum eða öðrum fjöðrunarbúnaði, viðurkenndum innan EES, sbr. viðauka II með tilskipun 96/53/EB, eða þar sem hver drifás er með fjórum hjólum og þungi hvers áss er ekki meiri en 9,5 tonn |
| 1.2.1.5 | 44 | Fjórðasa bifreið með tvíðasa tengivagni |
| 1.2.2 | | Fimm- eða sexása vagnlest sem er bifreið og festivagn: |
| 1.2.2.1 | 40 | Tvíðasa bifreið með þríðasa festivagni |
| 1.2.2.2 | 40 | Þríðasa bifreið með tvíðasa festivagni |
| 1.2.2.3 | 44 | Þríðasa bifreið með tví- eða þríðasa festivagni þar sem vagnlest ber 40 feta ISO gám |
| 1.2.2.4 | 40 | Þríðasa bifreið með þríðasa festivagni og |
| 1.2.2.5 | 44 | sé drifás með tvöföldum hjólum og loftfjöldum eða öðrum fjöðrunarbúnaði, viðurkenndum innan EES, sbr. viðauka II með tilskipun 96/53/EB, eða þar sem hver drifás er með fjórum hjólum og þyngd hvers áss er ekki meiri en 9,5 tonn |
| 1.2.3.5 | 44 | Fjórðasa bifreið með tvíðasa festivagni |
| 1.2.3 | 36 | Fjórðasa vagnlest sem er tvíðasa bifreið og tvíðasa tengivagn |
| 1.2.4 | | Fjórðasa vagnlest sem er tvíðasa bifreið og tvíðasa festivagn, sé fjarlægðin milli ása festivagns: |
| 1.2.4.1 | 36 | 1,3 m eða þar yfir, þó ekki yfir 1,8 m |
| 1.2.4.2 | 36 | yfir 1,8 m + 2 tonn þegar ákvæði um leyfilega heildarþyngd bifreiðar (18 tonn) og tvíðasa festivagns (20 tonn) eru virt og drifás er með tvöföldum hjólum og loftfjöldum eða öðrum fjöðrunarbúnaði sem er viðurkenndur innan EES, sbr. viðauka II með tilskipun 96/53/EB |
| 1.3 | | Bifreið: |
| 1.3.1 | 18 | Tvíðasa bifreið [önnur en hópbifreið]. ²³ |
| [1.3.2] | 19 | Tvíðasa bifreið, sem er knúin óhefðbundnu eldsneyti, önnur en hópbifreið, vegna tækjabúnaðar. |
| 1.3.3 | 19,5 | Tvíðasa hópbifreiðar] ²⁴ |
| 1.3.4 | 25 | Þríðasa bifreið |
| 1.3.5 | 26 | Þríðasa bifreið sé drifásinn með tvöföldum hjólum og loftfjöldum eða öðrum fjöðrunarbúnaði, viðurkenndum innan EES, sbr. viðauka II með tilskipun 96/53/EB eða hver drifás sé með tvöföldum hjólum og þungi hvers áss er ekki meiri en 9,5 tonn |
| [1.3.6] | 27 | Þríðasa bifreið, sem er knúin óhefðbundnu eldsneyti, vegna tækjabúnaðar]. ²⁵ |
| 1.3.7 | 32 | Fjórðasa bifreið með tveimur stýrisásum: |
| | a. | sé drifásinn með tvöföldum hjólum og loftfjöldum eða öðrum fjöðrunarbúnaði, viðurkenndum innan EES, sbr. viðauka II með tilskipun 96/53/EB eða |
| | b. | sé hver drifás með tvöföldum hjólum og þungi hvers áss ekki meiri en 9,5 tonn |
| <i>Aðrir eiginleikar ökutækis:</i> | | |
| | | Heildarþyngd fjórðasa bifreiðar í tonnum, má ekki fara yfir sexfalta fjarlægð milli fremsta og aftasta áss bifreiðar í metrum |
| 1.4 | 28 | [Þríðasa liðskipt hópbifreið]. ²⁶ |

²³ Rg. 1056/2017, 3. gr. a.

²⁴ Rg. 1056/2017, 3. gr. b.

²⁵ Rg. 1056/2017, 3. gr. c.

²⁶ Rg. 1056/2017, 3. gr. d.

| | | |
|---------|----|--|
| [1.4.1] | 29 | Þríða liðskipt hópbifreið sem er knúin óhefðbundnu eldsneyti, vegna tækjabúnaðar.] ²⁷ |
|---------|----|--|

Leyfilegur áþbungi:

| | Tonn | Lýsing áss |
|-------|------|---|
| 2.1 | 10 | Einn ás sem er ekki drifás |
| 2.2 | | Heildaráspungi á tvíða samstæðu eftirvagns með fjarlægð milli ása (f): |
| 2.2.1 | 11 | minni en 1 m ($f < 1,0$ m) |
| 2.2.2 | 16 | frá 1,0 m og upp að 1,3 m ($1,0 \text{ m} < f < 1,3 \text{ m}$) |
| 2.2.3 | 18 | frá 1,3 m upp að 1,8 m ($1,3 \text{ m} < f < 1,8 \text{ m}$) |
| 2.2.4 | 20 | 1,8 m og þar yfir ($1,8 \text{ m} < f$) |
| 2.3 | | Heildaráspungi á þríða samstæðu eftirvagns með fjarlægð milli ása (f): |
| 2.3.1 | 21 | 1,3 m eða minna ($f < 1,3 \text{ m}$) |
| 2.3.2 | 24 | yfir 1,3 m og upp að 1,4 m ($1,3 \text{ m} < f < 1,4 \text{ m}$) |
| 2.4 | | Drifás |
| 2.4.1 | 11,5 | Drifás bifreiðar, sbr. liði 1.2.1 og 1.2.2 |
| 2.4.2 | 11,5 | Drifás bifreiðar, sbr. liði 1.2.3, 1.2.4, 1.3 og 1.4 |
| 2.5 | | Samanlagður áþbungi á hverja tvíða samstæðu bifreiðar með fjarlægð milli ása (f): |
| 2.5.1 | 11,5 | innan við 1 m ($f < 1,0 \text{ m}$) |
| 2.5.2 | 16 | frá 1,0 m og allt að 1,3 m ($1,0 \text{ m} < f < 1,3 \text{ m}$) |
| 2.5.3 | 18 | frá 1,3 m og allt að 1,8 m ($1,3 \text{ m} < f < 1,8 \text{ m}$) |
| 2.5.4 | 19 | sé drifás með tvöföldum hjólum og loftfjöldum eða öðrum fjöldunarbúnaði, viðurkenndum innan EES, sbr. viðauka II með tilskipun 96/53/EB, eða sé hver drifás með tvöföldum hjólum og þungi hvers áss er ekki meiri en 9,5 tonn |
| 2.6 | 24 | Samanlagður áþbungi á hverja þríða samstæðu bifreiðar |

]²⁸

²⁷ Rg. 1056/2017, 3. gr. e.

²⁸ Rg. 1187/2008, 3. gr.

[VIÐAUKI II
Leyfileg heildarþyngd og ásþungi á vegum sem ekki falla undir viðauka I.

Leyfileg heildarþyngd:

| | Tonn | |
|-------|-------------|---|
| 1.1 | | Vagnlest |
| 1.1.1 | 40 | Allar vagnlestir |
| 1.1.2 | 18 | Tvíása tengivagn með tvöföldum hjólum |
| 1.1.3 | 14 | Tvíása tengivagn með einföldum hjólum |
| 1.1.4 | 22 | Þríása tengivagn með tvöföldum hjólum |
| 1.1.5 | 18 | Þríása tengivagn með einföldum hjólum |
| 1.2 | 14 | Bifreið með fjórum hjólum |
| 1.2.2 | 17 | Bifreið með sex hjólum |
| 1.2.3 | 20,5 | Bifreið með átta hjólum |
| 1.2.4 | 23 | Bifreið með tíu hjólum |
| 1.2.5 | 27 | Bifreið með 12 hjólum |
| 1.2.6 | 29 | Bifreið með 12 hjólum enda sé bil milli framása a.m.k. 1,8 m ($=>1,8$ m) |

Leyfilegur ásþungi:

| | Tonn | Lýsing áss |
|-------|-------------|---|
| 2.1 | 10 | Einn ás með tvöföldum hjólum |
| 2.1.1 | 7 | Einn ás með einföldum hjólum |
| 2.2.1 | 10 | Tvíása samstæða með tvöföldum hjólum og 7 með einföldum hjólum þegar bil milli ása er innan við 1,0 m ($f < 1,0$ m) |
| 2.2.2 | 16 | Tvíása samstæða með tvöföldum hjólum og 11 með einföldum hjólum þegar bil milli ása er frá 1,0 m til 1,3 m ($1,0 \text{ m} < f < 1,3 \text{ m}$) |
| 2.2.3 | 16 | Tvíása samstæða með tvöföldum hjólum |
| 2.2.4 | 13,5 | Tvíása samstæða með tvöföldum hjólum á öðrum ási sé bil milli ása frá 1,3 m til 1,8 m ($1,3 \text{ m} < f < 1,8 \text{ m}$) |
| 2.2.5 | 11 | Tvíása samstæða með einföldum hjólum |
| 2.3.1 | 16 | Þríása samstæða með tvöföldum hjólum |
| 2.3.2 | 11 | Þríása samstæða með einföldum hjólum þegar bil milli ása er innan við 1,3 m ($f < 1,3 \text{ m}$) |
| 2.3.2 | 22 | Þríása samstæða með tvöföldum hjólum |
| 2.3.3 | 16 | Þríása samstæða með einföldum hjólum þegar bil milli ása er frá 1,3 m til 1,4 m ($1,3 \text{ m} < f < 1,4 \text{ m}$) |
| 2.3.4 | 20 | Þríása samstæða með tíu hjólum |

]²⁹

²⁹ Rg. 1187/2008, 4. gr.


VIÐAUKI III
Merki fyrir langt ökutæki.

Merki:

- a. Skilti með áletrun „**LANGT ÖKUTÆKI**“ skal vera ferhyrnt, a.m.k 900 mm langt með a.m.k. 25 mm breiðum rauðum jaðri. Stafir skulu vera svartir á gulum grunni, a.m.k. 70 mm háir og breidd stafleggja a.m.k. 11 mm. Leturgerðin skal vera blokkskrift.



- b. Skilti um leyfilegan hámarkshraða skal vera hringlaga, 200 mm að þvermáli og með svörtum jaðri. Áletrun skal vera „80“ með svörtum stöfum 120 mm háum. Leturgerðin skal vera blokkskrift.



VIÐAUKI IV
Undanþágur fyrir vagnlestir samkvæmt 4. og 5. mgr. 5. gr.

| Tímamörk: | | | |
|---------------|---|-------|--|
| A. | Hvenær ekki má aka vagnlest sem undanþágu hefur samkvæmt 4. og 5. mgr. 5. gr.: Frá kl. 18.00 á föstudagi til kl. 24.00 næsta sunnudag á tímabilinu frá og með 1. júní til og með 31. ágúst ár hvert. | | |
| <i>Vegir:</i> | | | |
| B. | Undanþága samkvæmt 4. og 5. mgr. 5. gr. gildir á eftirtöldum þjóðvegum: | | |
| Númer | Nafn | Númer | Nafn |
| 1 | Hringvegi, þó ekki frá Mývatnsvegi (848) hjá Arnarvatni að Kísilvegi (87) hjá Reykjahlíð og frá Egilsstöðum að Suðurfjarðavegi (96) við Breiðalsvík | 38 | Þorlákshafnarvegi, frá Þorlákshöfn að Þrengslavegi (39) |
| Númer | Nafn | Númer | Nafn |
| 39 | Þrengslavegi | 40 | Hafnarfjarðarvegi |
| 41 | Reykjanesbraut | 43 | Grindavíkurvegi |
| 44 | Hafnavegi | 45 | Garðskagavegi |
| 46 | Víknavegi | 49 | Nesbraut, frá Hringvegi (1) að Reykjanesbraut (41) við Ánanaustr |
| 413 | Breiðholtsbraut | 419 | Höfðabakka, frá Nesbraut (49) að Reykjanesbraut (41) |
| 421 | Vogavegi | 425 | Nesvegi |
| 453 | Sundagörðum | 454 | Holtagörðum |
| 470 | Fjarðarbraut, þó ekki frá Norðurbakka að Fornubúðum | 4540 | Víðinesvegi, frá Hringvegi (1) að Sorpu |
| 51 | Akrafjallsvegi | 54 | Snæfellsnesvegi, frá Hringvegi (1) að Vatnaleið (56) við Vegamót og frá Útnesvegi (574) við Fróðá að Stykkishólmsvegi (58) |
| 56 | Vatnaleið | 58 | Stykkishólmsvegi |
| 574 | Útnesvegi, frá Rifi að Snæfellsnesvegi (54) við Fróðá | 72 | Hvammstangavegi |
| 74 | Skagastrandarvegi | 75 | Sauðárkróksbraut |
| [744] | Þverárfjallsvegur ³⁰ | | |
| 76 | Siglufjarðarvegi, frá Sauðárkróksbraut (75) til Siglufjarðar | 82 | Ólafsjarðarvegi, frá Hringvegi (1) til Ólafsjarðar |
| 83 | Grenivíkurvegi | 85 | Norðausturvegi, frá Hringvegi (1) til Húsavíkur |
| 845 | Aðaldalsvegi | 848 | Mývatnsvegi |
| 87 | Kísilvegi | 93 | Seyðisfjarðarvegi |
| 92 | Norðfjarðarvegi | 96 | Suðurfjarðavegi |

Auk þess gildir undanþágan á eftirtöldum götum í Reykjavík:

| | |
|-----------|-----------------|
| Sægörðum | Kleppsmýrarvegi |
| Skútuvogi | Grandagarði |
| Faxagötu | |


³⁰ Rg. 1187/2008, 5. gr.

VIÐAUKI V
Samanburður á áspunga í viðauka I og II.

| Ásar | | Þyngdir í tonnum | | |
|--|--|------------------|----------------------|-------------------------------|
| | | Viðauki 2. | Viðauki 1. Drifás | |
| Ás með tveimur hjólum | | 7 | 10 | 11,5 |
| Ás með fjórum hjólum | | 10 | 10 | 11,5 |
| Tviás með fjórum hjólum Bil milli ása 1,3 - 1,8 | | 11 | 18 | 18 |
| Tviás með átta hjólum Bil milli ása 1,3 - 1,8 | | 16 | 18 | Blaðfjárir Tvö drif 19 |
| Tviás með sex hjólum Bil milli ása 1,3 - 1,8 | | 13,5 | 18 | Loftfjárir eitt drif 19 |
| Þriás með sex hjólum Bil milli ása 1,3 - 1,4 | | 16 | 24 | |
| Þriás með tju hjólum Bil milli ása 1,3 - 1,4 | | 20 | 24 | |
| Þriás með tolfi hjólum Bil milli ása 1,3 - 1,4 | | 22 | 24 | |
| Almenn ákvæði | | | | |

Að minnst 25% af heildarpunga Blifreðar / Vagnlestara, hvill á drifás ökutækis.

Blifreð svo og samtengdum ökutækjum, skal vera hægt að aka á snúningsboga eins og sýnt er hér að neðan:



[VIÐAUKI VI]

Á vegum þar sem takmarka verður leyfðan áspunga vegna aurbleytu eða af öðrum ástæðum við 2, 5, 7 eða 10 tonn gilda eftirfarandi reglur um mesta leyfðan ás- og heildarþunga:

| | Burðarflokkar | | | | |
|--|---|--|---|---|---|
| |  |  |  |  | |
| Ásar | 10 tonn | 7 tonn | 5 tonn | 2 tonn | |
| Ás með tveimur hjólum |  | 7 | 5 ^{*1)} | 3 | 2 |
| Ás með fjórum hjólum |  | 10 | 7 | 5 | 2 |
| Tvíás með fjórum hjólum Bil milli ása 1,3 - 1,8 |  | 11 | 7 | 5 | 2 |
| Tvíás með sexhjólum Bil milli ása 1,3 - 1,8 |  | 13,5 | 9 | 6,5 | 2 |
| Tvíás með átta hjólum Bil milli ása 1,3 - 1,8 |  | 16 | 11 | 8 | 2 |
| Þríás með sex hjólum Bil milli ása 1,3 - 1,4 |  | 16 | 11 ^{*2)} | 8 ^{*2)} | 2 |
| Þríás með tíu hjólum Bil milli ása 1,3 - 1,4 |  | 20 | 13,5 ^{*2)} | 10 ^{*2)} | 2 |
| Þríás með tólf hjólum Bil milli ása 1,3 - 1,4 |  | 22 | 15 ^{*2)} | 11 ^{*2)} | 2 |

| | | | | |
|--|---|--|---|---|
| Takmörkun á heildarþunga samtengdra ökutækja eftir burðarflokkum þegar heildarþungi er einnig takmarkaður. |  *3) |  *3) |  |  |
|--|---|--|---|---|

- *1) Lágmarksbrafa um hjólbarðastærð 1100 x 22,5. Fyrir minni hjólbarða er leyfður 4ra tonna áspungi. Fyrir hjólbarðastærð 365/65R22,5 með 7,5 bör eða 109 psi loftþrýsting er leyfður 6 tonna áspungi.
- *2) Lágmarksbrafa um hjólbarðastærð 1100 x 22,5. Fyrir minni hjólbarða reiknast þríás með sex hjólum sem tvíás með fjórum hjólum. Þríás með tólf hjólum reiknast sem tvíás með átta hjólum.
- *3) Heildarþungi, við 10 tonna takmörkun fyrir undanþáguvagnlestir samkvæmt 12. grein, allt að 49 tonn fyrir sex ása vagnlestir og allt að 44 tonn fyrir 5 ása vagnlestir og við 7 tonna takmörkun, allt að 39 tonn

fyrir sex ása vagnlestir og allt að 37 tonn fyrir 5 ása vagnlestir, að uppfylltum tilteknum skilyrðum, sjá meðfylgjandi fylgiskjöl.


Fylgiskjal 1 með viðauka VI.

Undanþágur þegar sett er á 10 tonna þungatakmörkun

Þegar sett er 10 tonna þungatakmörkun er þeim ökutækjum/vagnlestum, sem hafa 49 tonna undanþágu á 6 ása vagnlestum og 44 tonna undanþágu á 5 ása vagnlestum, heimilt að aka neðangreindum ásþunga/heildarþunga með skilyrðum um að loftþrýstingur hjólbörða sé takmarkaður að hámarki við 7 bör eða 102 psi í hjólbörðum framása (eða 7,5 bör eða 109 psi sé framás með loftfjöldum eða öðrum búnaði sem telst jafngildur eða með hjólbardastærð að lágmarki 385/65R22,5) og 6 bör eða 87 psi í hjólbörðum afturása, mælt í köldum hjólbörða. [Loftþrýstingur má þó aldrei vera utan þeirra marka sem framleiðandi hjólbörða gefur upp hverju sinni.]³¹

Á takmörkunarköflum má búast við að leyfður hámarkshraði verði lækkaður verulega og er lögð þung áhersla á að ökumenn fylgist vel með merkingum þar að lútandi til að lágmarka þungaá lagið eins og kostur er.

³¹ Rg. 339/2015, 5. gr. b.




Eylgiskjal 2 með viðauka VI.

Undanþágur þegar sett er á 7 tonna þungatakmörkun.

Þegar sett er á 7 tonna þungatakmörkun er þeim ökutækjum/vagnlestum, sem hafa 49 tonna undanþágu á 6 ása vagnlestum og 44 tonna undanþágu á 5 ása vagnlestum, heimilt að aka neðangreindan ásþunga/heildarþunga með skilyrðum um að loftþrýstingur hjólbarða sé takmarkaður að hámarki við 7 bör eða 102 psi í hjólbörðum framása (eða 7,5 bör eða 109 psi sé framás með loftfjöldum eða öðrum búnaði sem telst jafngildur eða með hjólbarðastærð að lágmarki 385/65R22,5) og 6 bör eða 87 psi í hjólbörðum afturása, mælt í köldum hjólbarða. Loftþrýstingur má þó aldrei vera utan þeirra marka sem framleiðandi hjólbarða gefur upp hverju sinni.]³²

Á takmörkunarköflum má búast við að leyfður hámarkshraði verði lækkaður verulega og er lögð þung áhersla á að ökumenn fylgist vel með merkingum þar að lútandi til að lágmarka þungaálagið eins og kostur er.

³² Rg. 339/2015, 5. gr. b.



]³³

³³ Rg. 193/2013, 1. gr.


Fylgiskjal.

Við viðauka reglugerðarinnar.

[

**Lengd, breidd og hæð bifreiða og vagnlesta
samkvæmt reglum um stærð og þyngd ökutækja.**

Öll mál í metrum.



]³⁴

³⁴ rg. 339/2015, 6. gr.

Ásþungi í viðauka I

| áss | tonn |
|-----|------|
| | 10 |
| | 11,5 |

| tviás | bil milli ása m | | | |
|-------|-----------------|----------------|----------------|------------|
| | <1,0 tonn | ≥1,0 <1,3 tonn | ≥1,3 <1,8 tonn | ≥ 1,8 tonn |
| | 11 | 16 | 18 | 20 |
| | 11,5 | 16 | 18 | 20 |
| | 11,5 | 16 | 19 | 20 |
| | 11,5 | 16 | 19 * | 20 |

| þriás | bil milli ása m | |
|-------|-----------------|----------------|
| | < 1,3 tonn | ≥1,3 <1,4 tonn |
| | 21 | 24 |

* ásþungi fari ekki yfir 9,5 t.

| framás | |
|--------|---|
| | 7 |

| 44 og 49 tonna undanþáguvagnlestir | bil milli ása m | | | |
|------------------------------------|-----------------|--|----|--|
| | | | | |
| | | | 18 | |
| | | | 19 | |

| ≥1,3 <1,4 tonn |
|----------------|
| 24 |




Feb. 2007

Tvi-, þri- og fjórás bifreiðar

Tviás getur orðið allt að 19 tonn ef:


1. driftas er með 4 hjólum og loftfjöldum, enda hvill minnst 25% af heildarþ. á ásnum.
2. tveir driftasar með 8 hjólum, enda fari áspungi ekki yfir 9,5 t.

 = Driftas




Heildarþungi á fjórásu ökutæki er 32 tonn þegar driftas er með 4 hjólum og loftfjöldum eða tveir driftasar með 8 hjólum, enda fari áspungi ekki yfir 9,5 t.

Leyfileg heildarþyngd á fjórásu vélknunu ökutæki má ekki fara yfir sexfalda fjarlægð í metrum milli fremsta og aftasta áss ökutækis.



Þriása liðvagnar.


Heildarþungi 28



Dráttarbifreið með hengi- eða tengivagni

Tvlás getur orðið allt að 19 tonn ef:





1. driftás er með 4 hjólum og loftfjöldum, enda hvill minnst 25% af heildarþ. á ásnum.
2. tveir driftasar með 8 hjólum, enda fari áspungi ekki yfir 9,5 t.



Dráttarbifreið með festivagni

Tviás getur orðið allt að 19 tonn ef:

1. driftas er með 4 hjólum og loftfjöðrum, enda hvíll minnst 25% af heildarþ. á ásnum.
2. tveir driftasar með 8 hjólum, enda fari áspungi ekki yfir 9,5 t.








Vagnlest með allt að 44 tonna heildarþunga

Tviás getur orðið allt að 19 tonn ef:

1. drifás er með 4 hjólum og loftfjöldum, enda hvill minnst 25% af heildarþ. á ásnum.
2. tveir drifásar með 8 hjólum, enda fari áspungi ekki yfir 9,5 t.

● = Drifás






Fjórása bifreiðar með eftirvagni.

Fjórása bifreiðar skulu búnað a.m.k. 2 drifásum með 8 hjólum, þegar um samtengda vagnlest er að ræða.

Leyfileg heildarþyngd á fjór ása vélknúnu ökutækji má ekki fara yfir sexfalda fjarðlægð í metrnum milli fremsta og aftasta áss ökutækis.



● = Drifás





Undanþágvagnlest fyrir 44 / 49 tonna heildarþunga

Dráttarbifreið skal búin 2 sívirkum driftásum, hafi 4 hjól og loftfjaðrir á öllum ásum nema framás. Loftþrýstingur í hjólbarða er takmarkaður við 7 bör eða 102 psi í hjólbörðum framása (eða 7,5 bör eða 109 psi sé framás með loftfjöldun eða öðrum búnaði sem telst jafngildur eða með hjólbarðastærð að lágmarki 385/65R22,5) og 6 bör eða 87 psi í hjólbörðum afturása, mælt í köldum hjólbarða. [Loftþrýstingur má þó aldrei vera utan þeirra marka sem framleiðandi hjólbarða gefur upp hverju sinni.]³⁵

Heildarþungi 44 tonn







Heildarþungi 49 tonn




³⁵³⁵ Rg. 339/2015, 7. gr.

Viðauki II
Tvi-, þrí- og fjórása bifreiðar









Þríása liðvagnar.

Heildarþungi 24







Viðauki II

Dráttarbifreið með hengi- eða tengivagni



Viðauki II

Dráttarbifreið með festivagni



B-deild – Útgáfud.: 28. febrúar 2007